

Samningur

**mennta- og menningarmálaráðuneytis
við Íslenska tónverkamiðstöð
um ráðstöfun styrktarframlags í fjárlögum**

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Íslensk tónverkamiðstöð, kt. 660169-2299, í samningi þessum nefnt Tónverkamiðstöðin, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- styrkja söfnun, skráningu og varðveislu á rituðum tónverkum eftir íslensk tónskáld,
- tryggja aðgengi að verkunum og upplýsingar um þau,
- veita þjónustu við flyttjendur íslenskra tónverka,
- veita upplýsingar um íslensk tónskáld og verk þeirra til fagaðila innanlands og erlendis,

1.2. Starfsemi

- endurnýja og viðhalda gagnagrunni með þeim tónverkum sem miðstöðin geymir ásamt upplýsingum um verkin og tónskáldin,
- skrá og ganga frá tónverkum til varðveislu hjá handritadeild Landsbókasafns Íslands – háskólabókasafns,
- hafa umsjón og eftirlit með að nótur sem miðstöðin skráir og varðveitir séu í flutningshæfu formi frá hendi höfunda,
- vera tengiliður og/eða þjónustuaðili vegna prentunar á nótum í samræmi við getu miðað við umfang og upplag
- efla og vinna að kynningu á þeim verkum sem miðstöðin skráir og hefur í sinni vörsu

2. Forsendur samnings og lagaheimildir

2.1. Framlag ríkisins til samnings þessa er ákveðið 15 m.kr. í fjárlögum ársins 2016. Gert er ráð fyrir sömu upphæð fyrir árin 2017 og 2018.

2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi. Það mun leggja til við fjárlagagerð að árlegt framlag til samningsins út samningstímann verði í samræmi við gr. 2.1 með fyrirvara um að samtökin standi við skuldbindingar sínar. Framlög ríkisins skv. samningnum eru með fyrirvara um fjárveitingar til málefnaði 18 Menning og listir í fjármálaáætlun og fjárlögum og aðhaldsaðgerða sem stjórnvöld kunna að ákveða í kjölfar samþykktar fjárlaga.



Tónverkamiðstöðin á ekki kröfu á ríkissjóð eða rétt á bótum þótt framlag til samningsins verði lækkað eða fellt niður.

- 2.3. Verði gerð umtalsverð breyting á fjárveitingu til samningsins í fjárlögum taka aðilar upp viðræður um aðlögun rekstrarins að breytri fjárveitingu.
- 2.4. Tónverkamiðstöðin starfar samkvæmt lögum félagsins sem samþykkt voru á aðalfundi 7. maí 2015
- 2.5. Tónverkamiðstöðin starfar í samræmi við lög og reglugerðir sem gilda um umsama starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. Tónverkamiðstöðin ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Tónverkamiðstöðin skal geta lagt fram gögn og skýrslur þessu til staðfestingar, sé eftir því leitað.
- 3.2. Tónverkamiðstöðin ber ábyrgð á skuldbindingum sem hún eða aðilar á hennar vegum stofna til í tengslum við samning þennan.
- 3.3. Tónverkamiðstöðinni er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag í tólf jöfnum hlutum fyrsta dag hvers mánaðar. Greitt er inn á bankareikning í viðskiptabanka Tónverkamiðstöðvarinnar 101-26-90936.
- 4.2. Tónverkamiðstöðin skilar ráðuneytinu:
 - 4.2.1. Áætlun um rekstur og sjóðsstreymi ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok janúar ár hvert.
 - 4.2.2. Endurskoðuðum ársreikningi ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- 4.3. Eigi Tónverkamiðstöðin í viðskiptum við lögaðila sem hún á eignarhluta í eða er í eigu fjárhagslegra tengdra aðila svo sem stjórnenda hennar, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar , samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og Tónverkamiðstöðvarinnar funda að lágmarki árlega um samninginn.
- 5.3. Fyrir lok júní ár hvert skilar Tónverkamiðstöðin ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. Tónverkamiðstöðin skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Tónverkamiðstöðin veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela



öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.

- 5.6. Samning þennan, ársreikning Tónverkamiðstöðvar, greinargerð um framkvæmd samnings og úttektarskýrslur skal birta á vef miðstöðvarinnar jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Tónverkamiðstöðin setur á vefsíðu sína ýmis gögn sem eru efnislegar afurðir starfsemi hans, svo sem skýrslur, leiðbeiningar og áætlanir.


6. Vanefndir og meðferð ágreinings


- 6.1. Tónverkamiðstöðin tilkynnir ráðuneytinu tafarlaus ef talinn er vafi leika á að hún geti uppfyllt skyldur samkvæmt samningnum. Jafnframt er greint frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli Tónverkamiðstöðin ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá undirritun fyrir árið 2016 til ársloka 2018.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor samningsaðila að semja um áframhald eftir að gildistími samningsins lýkur skal hann koma því á framfæri fyrir lok febrúar það ár sem samningurinn rennur út.
- 7.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.5. Samningur þessi er gerður í tveimur samhljóða eintökum og heldur hvor aðili eintaki.

Reykjavík 1. desember 2016


Astri Magurhildottir
F.h. mennta- og menningarmálaráðuneytis


Valgerður Halldóttir
F.h. Íslenskrar tónverkamiðstöðvar